

17 ноября 2013 года. Неделя 21 по Пятидесятнице. Глас 4.

Преподобного Иоанникия Великого.

Священномучеников Никандра, епископа Мирского и Ермея пресвитера.

ВСЕНОЩНОЕ БДЕНИЕ. КАНОН:

ПЕСНЬ 1:

КАНОН ВОСКРЕСНЫЙ, ГЛАС 4:

Хор:

Ирмос: **Моря чермную пучину/ невлажными стопами/ древний пешествовав Израиль,/ крестообразными Моисеевыми руками// Амаликову силу в пустыни победил есть.**

Чтец:

Припев: **Слава, Господи, святому Воскресению Твоему.**

Тропарь: **Вознеслся еси на пречистем древе крестнем,/ наше отпадение исправляя,/ еже на древе исцеляя всегубительство, Владыко,// яко Благ и Всесилен.**

Припев: **Слава, Господи, святому Воскресению Твоему.**

Тропарь: **Во гробе плотски, во аде же с душею, яко Бог:/ в рай же с разбойником, и на Престоле был еси, Христе, со Отцем и Духом,// вся исполняя Неописанный.**

Припев: **Пресвятая Богородице, спаси нас.**

Богородичен: **Без семени Отчею волею/ от Божественного Духа Божия зачала еси Сына,/ и плотию родила еси:/ Иже из Отца без матери,// нас же ради, из Тебе без отца.**

КАНОН БОГОРОДИЦЫ ВОСКРЕСНЫЙ, ГЛАС 4:

Припев: **Пресвятая Богородице, спаси нас.**

Тропарь: **Сотрясашася людие, смятшася языцы,/ царствия же державная уклоншася, Чистая, от страха рождества Твоего:/ прииде бо Царь мой, и низложи мучителя,// и мир от тли избави.**

Припев: **Пресвятая Богородице, спаси нас.**

Тропарь: **Жилище свое, живый в вышних,/ к человеку сошед, освяти Христе, и непоколебимо яви:/ Едина бо по рождестве девства сокровище,// Зиждителя рождши пребыла еси.**

КАНОН ПРЕПОДОБНОГО ИОАННИКИЯ ВЕЛИКОГО, ГЛАС 4:

Припев: **Преподобне отче Иоанникие, моли Бога о нас.**

Тропарь: **Светом благодати озаряемь, преподобне,/ верою память твою торже-**

ствующая просвети// и тьмы греховныя молитвами твоими избави, Иоанникие.

Припев: **Преподобне отче Иоанникие, моли Бога о нас.**

Тропарь: **Путь вводящий невозвратно шествовал еси ко граду Небесному, Иоанникие,// Святый бо настави тя Дух, почиваяй в сердце твоём.**

Припев: **Преподобне отче Иоанникие, моли Бога о нас.**

Тропарь: **Вышшающее смирение, Иоанникие, имел еси,/ тем молимся тебе:/ ущедри, преподобне, смирение наше// и болезни вся облегчи сердец наших.**

Припев: **Пресвятая Богородице, спаси нас.**

Богородичен: **Падших воззвание и стоящих укрепление сущи, Всенепорочная,/ тем молюся Тебе:// падший мой ум грехом исправи, Владычице, яко да славлю Тя.**

КАНОН СВЯЩЕННОУЧЕНИКОВ НИКАНДРА И ЕРМЕЯ, ГЛАС 4:

Припев: **Священномученицы Никандре и Еремее, молитесь Бога о нас.**

Тропарь: **Честный праздник честных страдалец священномучеников,/ священную память днесь священными песнопеньми/ ныне Священнейшая Христова Церковь, священнолепно совершаючи,// песнями украшается, сия почитаючи.**

Припев: **Священномученицы Никандре и Еремее, молитесь Бога о нас.**

Тропарь: **Честною помазан мастию священничества верно, священноначальнике Никандре,/ честнейшу сию от кровей твоих обагреньми соделал еси, в радости зовя:// воспойм Богу нашему, яко прославися.**

Слава Отцу, и Сыну, и Святому Духу.

Тропарь: **Путь мучения текуще,/ веселие истинное в нем яве показующе,/ обогатитесь благодатию чудес и дарований Небесных, мученицы,/ согласно вопиюще:// воспойм Богу нашему, яко прославися.**

И ныне и присно и во веки веков, аминь.

Богородичен: **Неописанный в недрах Отческих,/ в недрах Матерних плотски Христос описуется,/ по Рождестве Сию истинно Деву паче ума сохранив,/ Ему же велегласно вопиём:// воспойм Богу нашему, яко прославися.**

КАТАВАСИЯ, ГЛАС 4:

Хор: **Отверзу уста моя,/ и наполнятся Духа,/ и слово отрыгну Царице Матери,/ и явлюся, светло торжествуя,// и воспою, радуясь, Тоя чудеса.**

ПЕСНЬ 3:

КАНО́Н ВОСКРЕ́СНЫЙ, ГЛАС 4:

Хор:

Ирмос: **Веселится о Тебѣ Цѣрковь Твоя, Христѣ, зовущи:/ Ты моя крѣпость, Гѡсподи, // и прибѣжище, и утверждѣние.**

Чтец:

Припев: **Слава, Гѡсподи, святому Воскресѣнию Твоему.**

Тропарь: **Древо живѡтное, мѣсленный ѣстинный виноград, // на Крестѣ висит, всем источая нетлѣние.**

Припев: **Слава, Гѡсподи, святому Воскресѣнию Твоему.**

Тропарь: **Яко велик, яко страшен, яко адово низложь шатание, // и яко Бог нетленен, ныне плѡтски воскресѣ.**

Припев: **Пресвятая Богородице, спаси нас.**

Богородичен: **Ты единая сущим на земли, / яже паче естества благих Ходатаица, / Мати Божия была еси: // темже Ти, радуйся, принесим.**

КАНО́Н БОГОРО́ДИЦЫ ВОСКРЕ́СНЫЙ, ГЛАС 4:

Припев: **Пресвятая Богородице, спаси нас.**

Тропарь: **Очищается челоуѣков существѡ, / Тобѡю присовокупльшееся нестерпимому Божественному Огню: / яко сокровенный, Пречистая Дѣво, в Тебѣ Хлеб испѣкшееся, // Ёже и Тебѣ неврежденну сохраншему.**

Припев: **Пресвятая Богородице, спаси нас.**

Тропарь: **Какая сия яже воистинну близ Бѡга; / яко превозшедши вся ангельския чины, / единая добротѡю дѣвства, // яко Мати сияющи Вседержителя.**

КАНО́Н ПРЕПОДО́БНОГО ИОАННІ́КІЯ ВЕЛІ́КОГО, ГЛАС 4:

Припев: **Преподобне отче Иоаннікие, моли Бѡга о нас.**

Тропарь: **Текущая пребывающими изменил еси, / смысленно прием твой крест, Иоаннікие, // и на невозходимыя горы, яко Илія великий, возшед, пребыл еси.**

Припев: **Преподобне отче Иоаннікие, моли Бѡга о нас.**

Тропарь: **Путь тебѣ, зело желаемый, отец показал двѡица, / юже обрел еси лѣты множайшими сокровенну в горах, // пророческим даром просвещен, блаженне.**

Припев: **Преподобне отче Иоаннікие, моли Бѡга о нас.**

Тропарь: **Колѣблеми страстьми различными, / верою притекаем к твоему покрову, Иоаннікие, // святыми твоими ходатайствы вся ны посети, моляся Человеколюбцу.**

Припев: **Пресвятая Богородице, спаси нас.**

Богородичен: **Кроплением милости Твоея, Дѣво, / углие погаси моих страстей, Бого-**

радованная,/ и угасший возжзй светильник сердца моего,// золый светильниче, Всенепорочная.

КАНОН СВЯЩЕННОМУЧЕНИКОВ НИКАНДРА И ЕРМЕЯ, ГЛАС 4:

Припев: Священномученицы Никандре и Еремее, молитесь Бога о нас.

Тропарь: Словесныя мрежи простирая,/ сущия в прелести, чудодействуя, уловляял еси,// оброк многообразен от Девы, Никандре, Возсиявшему сию принося.

Припев: Священномученицы Никандре и Еремее, молитесь Бога о нас.

Тропарь: Розга благоплоднейшая Титова сада был еси Критскаго светильника,/ гроздынося словесныя, сладость нам точащая спасительную,// Никандре блаженне.

Слава Отцу, и Сыну, и Святому Духу.

Тропарь: Со Еремеем Божественным оляденевшая сердца Креста ралом возделасте, мудрии,/ и плодоносны благодати явите:// тем блажими есте.

И ныне и присно и во веки веков, аминь.

Богородице: Ниже Небесный ум может паче ума рождество Твое сказать, Отроковице,/ ума бо первого во чреве, Слово, Чистая зачала еси,// всяческая словом составившее.

КАТАВАСИЯ, ГЛАС 4:

Хор: Твоя песнопловцы, Богородице,/ Живый и Независтный Источниче,/ лик себе совокупльшия, духовно утверди,/ в Божественней Твоей славе// венцев славы сподоби.

ЕКТЕНИЯ МАЛАЯ...

КОНДАК ПРЕПОДОБНОГО ИОАННИКИЯ ВЕЛИКОГО, ГЛАС 8:

Звезда явился еси всесветлая, в мире просвещаяй/ и сущия во мраце страстей облиставаяй/ врач же крепчайший явился еси,/ но яко приял еси благодать исцелений,/ просящим тя подаждь исцеление, да зовем:// радуйся, отче Иоанникие.

ИКОС:

Другий, отче, явился еси врач и предстатель,/ недуги одержимым и скорбьми, Иоанникие чудне,/ исцеляя всех, верно притекающих под Божественный кров твой./ Тем и от нас слышиши:/ радуйся, отца благого корене отрасль;/ радуйся, матери благая ветвь;/ радуйся, иже тех любовь отринувый;/ радуйся, иже Единого Бога приемый;/ радуйся, яко оставил еси земное воинство;/ радуйся, яко низложил еси варварскую гордыню;/

ра́дуйся, стена́ и храните́ль лю́дем б́ывый;/ ра́дуйся, ору́жие и столп
ми́рови я́влься;/ ра́дуйся, язы́ческа я разруша́я бра́ни;/ ра́дуйся, све-
ти́льниче, сия́я чудесы́;/ ра́дуйся, наги́х покрови́телю;/ ра́дуйся,
плéненных изба́вителю; // ра́дуйся, о́тче Иоанни́кие.

СЕДА́ЛЕН ПРЕПОДО́БНОГО ИОАННИ́КИЯ ВЕЛИ́КОГО, ГЛАС 8:

Страсте́й мрак очи́стив,/ Христо́вых повеле́ний я́ко и́стинно свет прие́м,/ в
посте́ просия́л еси́/ и, умертви́в те́ло, ду́хом ожи́л еси́,/ вра́жия се́ти попрáл еси́,
блаже́нне./ Тем и вы́шних безплóтных А́нгелов/ соприча́стник был еси́ Ду́ха
благода́тию,/ Иоанни́кие, о́тче наш,/ моли́ Христа́ Бо́га грехо́в оставле́ние да-
рова́ти// пра́зднующим любóвию святу́ю па́мять твою́.

Сла́ва Отцу́ и Сы́ну и Свято́му Ду́ху.

СЕДА́ЛЕН СВЯЩЕННОМУ́ЧЕНИКОВ НИКА́НДРА И ЕРМЕ́Я, ГЛАС 4:

Святите́льства и́стины Божество́нным пома́занием/ и муче́ния свя-
ще́нною и́стинно кро́вию просвеще́ни, сла́внии,/ совокупи́стеся чино́м,
ра́дующеся, безплóтных А́нгел./ Тем пра́зднуем честну́ю ва́шу па́мять, //
моля́щеся всем очи́щение пода́ти моли́твами ва́шими, святы́и.

И ны́не и прísно и во ве́ки веко́в. Ами́нь.

БОГОРО́ДИЧЕН ИЗ МИНЕ́И, ГЛАС 4:

Обнови́ла еси́, Чи́стая, Божество́нным Рожде́ством Твои́м/ ислéвшее
во страсте́х земноро́дных ме́ртвенное существо́/ и воздв́игла еси́ вся от
сме́рти к живото́у нетле́ния./ Те́мже Ты по до́лгу блажи́м вси, Де́во Препрос-
ла́вленная, // я́коже прорекла́ еси́.

ПЕСНЬ 4:

КАНО́Н ВОСКРЕ́СНЫЙ, ГЛАС 4:

Хор:

Ирмо́с: Вознесе́на Ты ви́девши Це́рковь на Кресте́,/ Со́лнце Пра́ведное,/ ста
в чи́не своéм,/ досто́йно взыва́ющи: // сла́ва си́ле Твое́й, Го́споди.

Чтец:

Припев: Сла́ва, Го́споди, свято́му Воскресе́нию Твоему́.

Тропа́рь: Возше́л еси́, стра́сти моя́ исцеля́я, на Крест/ стра́стию Пречи́стыя плóти
Твоея́,/ в ню́же волею облéклся еси́./ Те́мже Ти взыва́ем: // сла́ва си́ле
Твое́й, Го́споди.

Припев: Сла́ва, Го́споди, свято́му Воскресе́нию Твоему́.

Тропа́рь: Безгре́шнаго смерть вкуси́вши,/ Животворя́щаго Те́ла Твоего́,/ до-
сто́йно, Влады́ко, умертви́ся:/ мы же вопие́м Ти, // сла́ва си́ле Твоей,

Господи.

Припев: Пресвятая Богородице, спаси нас.

Богородичен: Неискусобратно родила еси, Дево, / и по рождестве явилася еси девствующи паки: / темже немолчными гласы, / еже радуися, Тебе, Владычице, // верою несумненною зываем.

КАНОН БОГОРОДИЦЫ ВОСКРЕСНЫЙ, ГЛАС 4:

Припев: Пресвятая Богородице, спаси нас.

Тропарь: Поживе с человеки, видимь быв Невидимый, / во зраце сый Непостижимаго Божества, / и вообрази из Тебе, Отроковице, в чуждее, // ведущих Тя, Чистую Богоматерь, спасает.

Припев: Пресвятая Богородице, спаси нас.

Тропарь: Прият в вещественне Дева Невещественнаго, в причастии вещества, / Младенца от Нея бывша. / Темже во дву существу, Един познавается // плотносец Бог, и Человек Пресущественный.

КАНОН ПРЕПОДОБНОГО ИОАННИКИЯ ВЕЛИКОГО, ГЛАС 4:

Припев: Преподобне отче Иоанникие, моли Бога о нас.

Тропарь: Горы высочайшия постиг, / верхи демонов возвышаемыя смирением смирил еси, мудре, // и на них мужествовал еси, слава монашествующих и утверждение.

Припев: Преподобне отче Иоанникие, моли Бога о нас.

Тропарь: Яко мечем обоудобстрым, Христовым страхом вооружився, / змия отступника низложил еси разумно // и чувственно, блаженне, священными победами прославляемь.

Припев: Преподобне отче Иоанникие, моли Бога о нас.

Тропарь: Весь Божественным Духом распалився, отче, мраз претерпел еси, / множайшими леты в пустынях вселяяся, ищай Господа, // благодатию ты Божественною согревающа.

Припев: Пресвятая Богородице, спаси нас.

Богородичен: Ты, очищение всех земных, верою молю и припадаю, Благословенная: / милостива ми судию и Сына твоего сотвори, // яко да по долгу славлю тя.

КАНОН СЯЩЕННОМУЧЕНИКОВ НИКАНДРА И ЕРМЕЯ, ГЛАС 4:

Припев: Священномученицы Никандре и Еремее, молитесь Бога о нас.

Тропарь: Колесница являетесь Слова, умно Сего носяще, / тем привязани к конем,

лю́те же влачи́ми,/ не отвергóстеся Сего́, ни победíстеся,// к Небéсней стезе́ я́ве подвиза́еми.

Припев: Священномученицы **Никáндре и Ермее**, моли́те **Бо́га о нас**.

Тропарь: Темни́цам приближа́ющеся и у́зами облага́еми,/ от уз лъсти град и лю́ди спасóсте// и ю́зою любве́ связа́стеся Свя́заннаго плóтию нас ра́ди, всеблаже́ннии.

Сла́ва Отцу́, и Сы́ну, и Свято́му Ду́ху.

Тропа́рь: Со А́нгелы Влады́ку заключе́нии сла́вяху,/ Небéсным Хле́бом, всесла́внии, пита́еми./ Тем плóти болéзней небрегóсте,// сильне́йшии ран бывше́.

И ны́не и прýсно и во ве́ки веко́в, ами́нь.

Богоро́дичен: На Престо́ле вы́соцем стра́шно седя́й,/ на Ма́терних объ́ятиях, Младене́ц быв, седит,// па́дший о́браз исправля́я и обоже́ние су́щим из Ада́ма да́руя.

КАТАВА́СИЯ, ГЛАС 4:

Хор: Седя́й в Сла́ве/ на Престо́ле Божества́/ во о́блаце ле́гце,/ при́иди Иису́с Пребоже́ственный,/ Нетле́нною Дла́нию/ и спасе́ зову́щия:// сла́ва, Христé, си́ле Твое́й.

ПЕСНЬ 5:

КАНО́Н ВОСКРЕ́СНЫЙ, ГЛАС 4:

Хор:

Ирмо́с: Ты, Го́споди мой,/ Свет в мир пришéл еси́,/ Свет Святы́й, обраща́яй из мра́чна неведéния// véрою воспева́ющия Тя.

Чтец:

Припев: Сла́ва, Го́споди, свято́му Воскресéнию Твоему́.

Тропа́рь: Ты, Го́споди, к земли́ мýлостивно сошéл еси́:// Ты возне́сл еси́ па́дшее челове́ческое существо́, на дрéве воздвиза́емь.

Припев: Сла́ва, Го́споди, свято́му Воскресéнию Твоему́.

Тропа́рь: Ты взял ми еси́, Христé, прегрешéний осужде́ние:// Ты разруши́л еси́ болéзни смéртныя, Ще́дре, Божéственным воскресéнием Твоём.

Припев: Пресвята́я Богоро́дице, спаси́ нас.

Богоро́дичен: Ты ору́жие непобедíмое на враги́ предлага́ем,// Ты утвержде́ние, и наде́жду на́шего спасéния, Богоневéсто, стяжа́хом.

КАНОН БОГОРОДИЦЫ ВОСКРЕСНЫЙ, ГЛАС 4:

Припев: Пресвятая Богородице, спаси нас.

Тропарь: Дом Тя славы, Гору Божию Святую, Чистая,/ Невесту, Чертог, Храм освящения,/ Сын Божий, в Тя вселився, // и рай сладости присносущныя нам содела.

Припев: Пресвятая Богородице, спаси нас.

Тропарь: Плоть от крове Девственныя приял еси, Христе,/ Безсеменну, Пречисту, Ипостасну,/ и словесну и умну, одушевленну,/ действенну, хотетельну, // Самовладичну и Самовластну.

КАНОН ПРЕПОДОБНОГО ИОАННИКИЯ ВЕЛИКОГО, ГЛАС 4:

Припев: Преподобне отче Иоанникие, моли Бога о нас.

Тропарь: Шествовал еси, преподобне, тесный и прискорбный путь/ Божественными восхожденными сердца,/ и видении расширяемь, и положением обожаемь яве. // Тем бысть монашествующим утверждение и украшение.

Припев: Преподобне отче Иоанникие, моли Бога о нас.

Тропарь: Око очистившу помышления, преподобне,/ благодать тебе дадеся пророчества,/ яко настоящая глаголати будущая,/ зрети же дальная, яко ближняя. // О Иоанникие, Божие обителище!

Припев: Преподобне отче Иоанникие, моли Бога о нас.

Тропарь: Болезни мя избави грехов и скорбей,/ утоли сердца моего болезнь и грехопадений разрешение даруй, // Благодетеля Бога имея, послушающая честных твоих молитв.

Припев: Пресвятая Богородице, спаси нас.

Богородичен: Ума моего уврачуй изступления, Всенепорочная,/ и уврачи страсти души моея, и уныния тьму отжени; // яко да восхваляю Тя песенно, Присноблаженная Богородице Всепетая.

КАНОН СВЯЩЕННОМУЧЕНИКОВ НИКАНДРА И ЕРМЕЯ, ГЛАС 4:

Припев: Священномученицы Никандре и Еремее, молитесь Бога о нас.

Тропарь: В просвещение веры путебождствовал еси люди,/ и, оставльше тьму идолонейства, // чада Света быша ходатайством твоим, Никандре.

Припев: Священномученицы Никандре и Еремее, молитесь Бога о нас.

Тропарь: Просветительными Духа блистающе зарями,/ мучений ночь преидосте безвредно, // решаще мглу безбожия, светильницы славы.

Сла́ва Отцу́, и Сы́ну, и Свято́му Ду́ху.

Тропа́рь: Па́вловых вод испо́лнен Тит быв,/ ты напая́ше, показу́я реку́, // струи́ му́тныя безбо́жия потопля́ющу, Ника́ндре.

И ны́не и прѣсно и во ве́ки веко́в, ами́нь.

Богоро́дичен: А́гнца и Го́спода ро́ждшая плóтию, Де́во, еди́на нескве́рная ски́ние, Бо́жественный ковче́же, честный светѣльниче, // ду́шу мою́ озари́.

КАТАВА́СИЯ, ГЛАС 4:

Хор: Ужасо́шася вся́ческая / о Бо́жественной сла́ве Твое́й: / Ты бо, Неискусобра́чная Де́во, / имела еси́ во утробе́ над все́ми Бо́га / и родила́ еси́ Безле́тнаго Сы́на, / всем воспева́ющим Тя // мир подава́ющая.

ПЕСНЬ 6:

КАНО́Н ВОСКРЕ́СНЫЙ, ГЛАС 4:

Хор:

Ирмо́с: Пожру́ Ти со гла́сом хвалéния, Го́споди, / Це́рковь вопиéт Ти, / от бесо́вския кро́ве очи́щися / ра́ди ми́лости от ребр Твои́х // истéкшею Кро́вию.

Чтец:

Припев: Сла́ва, Го́споди, свято́му Воскресéнию Твоему́.

Тропа́рь: Возше́л еси́ на Крест, си́лою препоя́сався, / и соплéтся с мучи́телем, я́ко Бог, с высоты́ свергл еси́, // Ада́ма же непобеди́мою си́лою воскреси́л еси́.

Припев: Сла́ва, Го́споди, свято́му Воскресéнию Твоему́.

Тропа́рь: Воскрéсл еси́ блиста́йся кра́сный из грóба, Христé, / и разгна́л еси́ вся враги́ Бо́жественною си́лою Твое́ю, // и вся, я́ко Бог, весéлия испо́лнил еси́.

Припев: Пресвята́я Богоро́дице, спаси́ нас.

Богоро́дичен: О́ чудо́ всех чудéс новéйшее! / Я́ко Де́ва во утробе́, вся́ческая обдержа́щаго // неискусому́жно заче́нши, не тесновмести́.

КАНО́Н БОГОРО́ДИЦЫ ВОСКРЕ́СНЫЙ, ГЛАС 4:

Припев: Пресвята́я Богоро́дице, спаси́ нас.

Тропа́рь: Дре́вле у́бо прельсти́ мя зми́й, и умори́ мя, / прамáтерию мою́ Е́вою: // ны́не же, Чи́стая, Тобо́ю созда́вый мя из ислéния воззва́.

Припев: Пресвятая Богородице, спаси нас.

Тропарь: Бездна Тя бездну неизреченно,/ благоутробию Отроковице, избранную
показа чудес:/ ибо из Тебе молниєю Божества, // бисер Христос возсия.

Канон преподобного Иоанникия Великого, глас 4:

Припев: Преподобне отче Иоанникие, моли Бога о нас.

Тропарь: Увидив страсти телесныя,/ яко древо узрелся еси высоковерхое, // пло-
ды чудесныя и честная исправления священнейше нося, Богоблаженне.

Припев: Преподобне отче Иоанникие, моли Бога о нас.

Тропарь: Уврачи ты Господь явлением Евстафия мученика,/ яд всепагубный ис-
пивша, всеблаженне, // чрез руку неправедную и бедствующа.

Припев: Преподобне отче Иоанникие, моли Бога о нас.

Тропарь: Тьмам болезней приобщился еси,/ телом немощен пребыв,
Иоанникие./ Тем верою зову ти: // болезни утоли сердца моего.

Припев: Пресвятая Богородице, спаси нас.

Богородичен: Единая всех помощи, помози нам, бедствующим,/ и руку подаждь, и к
пристанищем введи спасения, // Отроковице Богоблагодатная.

Канон священномучеников Никандра и Ермея, глас 4:

Припев: Священномученицы Никандре и Ермее, молитесь Бога о нас.

Тропарь: Пригвождаема гвоздями телеса мучеников,/ страстей подражатели
Спаса являхуся, // пригвоздившагося на Кресте и от тли мир спасаго.

Припев: Священномученицы Никандре и Ермее, молитесь Бога о нас.

Тропарь: Пучину мук преидосте, мученицы,/ окормлением Святаго Всесильнаго
Духа // и к Божественному пристанищу пристаёте, славы исполняеми.

Слава Отцу, и Сыну, и Святому Духу.

Тропарь: Победил еси, тезоименитне, мужей всякое противление убийц,/ святителю
приспомятне Никандре, // и венцы славы приял еси, Богу предстоя.

И ныне и присно и во веки веков, аминь.

Богородичен: Погубила еси праматере, Отроковице, укоризну,/ благословеньми нас
Венчавшаго плотию рождши, // и скорбь тоя в радость истинную прело-
жила еси.

Катавасия, глас 4:

Хор: Божественное сие и всечестное/ совершающе празднество,/ Бого-

мудрии, Богоматере,/ приидите, руками восплещим,// от Нея рождагося Бога славим.

ЕКТЕНИЯ МАЛАЯ...

КОНДАК ВОСКРЕСНЫЙ, ГЛАС 4:

Спас и Избавитель мой/ из гроба, яко Бог, воскрес от уз земнородных,/ и врата адова сокруши,/ и яко Владыка// воскрес тридневен.

ИКОС:

Воскресшаго из мертвых Христа Жизнодавца тридневна из гроба,/ и врата смертная днесь сокрушшаго силою Своєю,/ и ада умертвившаго, и жало смертное стершаго,/ и Адама со Евою свободившаго,/ воспоим вси земнороднии, вопиюще хвалу прилежно:// Той бо яко Един Крепкий, Бог и Владыка, воскрес тридневен.

ПЕСНЬ 7:

КАНОН ВОСКРЕСНЫЙ, ГЛАС 4:

Хор:

Ирмос: В пещи Авраамстии отроцы персидстей,/ любовь благочестия паче,/ нежели пламенем, опаляеми, зываху:// благословен еси в храме славы Твоея, Господи.

Чтец:

Припев: Слава, Господи, святому Воскресению Твоему.

Тропарь: К нетлению человечество призвася,/ Божественною измовено Кровию Христовою, благодарно воспевающее:// благословен еси в храме Славы Твоея, Господи.

Припев: Слава, Господи, святому Воскресению Твоему.

Тропарь: Яко Живоносец, яко рай краснейший/ войстинну, и чертога всякаго царскаго показася светлейший, Христе, гроб Твой,// источник нашего воскресения.

Припев: Пресвятая Богородице, спаси нас.

Богородичен: Вышняго освященное Божественное селение, радуйся,/ Тобю бо дадеся радость, Богородице, зовущим:// благословена Ты в женах еси, Всенепорочная Владычице.

КАНО́Н БОГОРО́ДИЦЫ ВОСКРЕ́СНЫЙ, ГЛАС 4:

Припев: Пресвятáя Богорóдице, спаси́ нас.

Тропа́рь: Привлачи́т мя к пéнию любóвь дéвственная огонь, / йже в сéрдцы, вопи́ти Мáтери и Дéве: // Благословéнная, Госпóдь сiлам с Тобóю.

Припев: Пресвятáя Богорóдице, спаси́ нас.

Тропа́рь: Превы́ши твáри явилáся еси́, / я́ко Творца́ рóждши и Гóспода. / Тёмже Ти вопи́ю, Богорóдице: // Благословéнная, Госпóдь сiлам с Тобóю.

КАНО́Н ПРЕПОДО́БНОГО ИОАНН́ИКИЯ ВЕЛ́ИКОГО, ГЛАС 4:

Припев: Преподóбне óтче Иоанн́икие, моли́ Бóга о нас.

Тропа́рь: Сéрдце твоé Трóицы жили́ще соделал еси́, / три создáв хра́мы, / в нiхже Божéственною благодáтию, Иоанн́икие, мiро источáеши // в просвещéние и очищéние вёрно тебе́ приходя́щих.

Припев: Преподóбне óтче Иоанн́икие, моли́ Бóга о нас.

Тропа́рь: Душá твоя́, светозарéнием Божéственного Дúха освещáема прiсно, / душ зря́ше вёрно приходя́щих тебе́ советы́, блаженне, // прорóческими прознáньми свящéнно удивля́ема.

Припев: Преподóбне óтче Иоанн́икие, моли́ Бóга о нас.

Тропа́рь: Недúгов, обурева́ющих мя, блаженне, душi же и телесé / твоими́ святы́ми моли́твами скóро избáви и пéти сотвори́: // препéтый отец на́ших Бóже, благословéн еси́.

Припев: Пресвятáя Богорóдице, спаси́ нас.

Богорóдичен: Непременна́го рóждшая едина́ Гóспода, Богора́дованная, / десни́цею Егó, Чiстая, переменiти мой ум моли́ся к лúчшим, // лóте превращáемый житéйскими печáльми.

КАНО́Н СВЯЩЕННОМÚЧЕНИКОВ НИКА́НДРА И ЕРМ́ЕЯ, ГЛАС 4:

Припев: Священномúченицы Никáндре и Ерм́ее, моли́те Бóга о нас.

Тропа́рь: Свящéнную твою́ одéжду обагрiв, блаженне, обагрéньми кровéй, / соверши́л еси́ свéтльшую, Никáндре, // отцéв, вопия́, Бóже, благословéн еси́.

Припев: Священномúченицы Никáндре и Ерм́ее, моли́те Бóга о нас.

Тропа́рь: Приближа́ющеся огню́, / несомнéнною любóвию к Творцú не опали́стеся, вопи́юще, блаженнии: // отéц на́ших Бóже, благословéн еси́.

Слáва Отцú, и Сýну, и Свято́му Дúху.

Тропарь: Пѣщи пламень, вам уготóванный на мучѣние,/ превратѣте на рóсу Духом Вседѣтельным, вопиюще:// отѣц наших Бóже, благословѣн есѣ.

И ныне и присно и во веки веков, амѣнь.

Богородичен: Воплощённое Слово раждáеши несказáнно, Чѣстая Дѣво,/ зовущия от смѣрти избавляюща:// отѣц наших Бóже, благословѣн есѣ.

КАТАВАСИЯ, ГЛАС 4:

Хор: Не послужиша твáри Богомúдрии/ пáче Создáвшаго,/ но, óгненное прещѣние мýжески поправше,/ рáдовахуся, поюще:// препѣтый отцѣв Госпóдь и Бог, благословѣн есѣ.

ПЕСНЬ 8:

КАНОН ВОСКРѢСНЫЙ, ГЛАС 4:

Хор:

Ирмос: Рúце распростѣр Даниѣл,/ львов зияния в рóве затчѣ,/ óгненную же сѣлу угасѣша,/ добродѣтелию препоясавшеса,/ благочѣстия рачѣтели, óтроцы, взывáюще:// благословѣте, вся делá Госпóдня, Гóспода.

Чтец:

Припев: Слáва, Гóсподи, святому Воскресѣнию Твоемú.

Тропарь: Рúце распростѣр на Крестѣ, язýки вся собрал есѣ,/ и едѣну явил есѣ, Владыко/ Цѣрковь воспевающюю Тя, земнýю и небѣсную, согласнó поющим:/ благословѣте вся делá Госпóдня, Гóспода,// пойте и превозносѣте Егó во веки.

Припев: Слáва, Гóсподи, святому Воскресѣнию Твоемú.

Тропарь: Белообразен явился женам,/ непристýпным свѣтом воскресѣния блистающа Ангел,/ что Живáго во грóбе, вопия, ищите яко мѣртва;/ войстинну востá Христóс, Емúже вопиѣм:/ вся делá пойте Гóспода,// и превозносѣте во вся веки.

Припев: Пресвятáя Богородице, спасѣ нас.

Богородичен: Ты Едѣна во всех рóдах, Дѣво Пречѣстая,/ Мáти явилася есѣ Бóжия:/ Ты Божества была есѣ жилище, Всенепорóчная,/ не опáльшися огнѣм Непристýпнаго Свѣта.// Тѣмже вси Тя благословѣм, Марѣе Богоневѣсто.

КАНОН БОГОРОДИЦЫ ВОСКРѢСНЫЙ, ГЛАС 4:

Припев: Пресвятáя Богородице, спасѣ нас.

Тропарь: В сѣни Авраáм узрѣ, еже в Тебѣ, Богородице, таинство,/ Сýна бо Твоегó

Безплóтнаго прїят, поя:/ вся дела́ благословїте, пойте Гóспода,// и пре-
возносите Егó во вéки.

Припев: Пресвятáя Богорóдице, спасї нас.

Тропарь: Равночїсленныя Трóицы спаслó есть/ Твоегó Дéвства проображéние:/
в дéвственных бо телесéх/ попира́ху пла́мень, Отроковїце, вопи́юще:/ бла-
гословїте, пойте Гóспода,// и превозносите Егó во вéки.

КАНО́Н ПРЕПОДО́БНОГО ИОАННІ́КІЯ ВЕЛІ́КОГО, ГЛАС 4:

Припев: Преподо́бне óтче Иоаннї́кие, моли́ Бóга о нас.

Тропарь: Стоя́ высокó на горé, я́ко на свéщнице светїльник, преподо́бне,/ всех
помышлéния вéрою просвещáл есї,/ показу́я изрýднейше словесы́ и дéлы
стезю́ жїзни// и возводя́ т́яя Божéственным слóвом к высотé безстра́стия.

Припев: Преподо́бне óтче Иоаннї́кие, моли́ Бóга о нас.

Тропарь: Ум безстра́стием очїщшему, бесéдовал есї́ Гóсподу Вседержїтелю,/ от
Негóже неизглагóланным, преподо́бне, научáемь,/ прорóчески предгла-
гóлал есї́, просвещáя дýши, я́ко величáйш, всеблажéнне, прорóк.// Тем ты
согласно, вéрнии, восхваля́ем.

Припев: Преподо́бне óтче Иоаннї́кие, моли́ Бóга о нас.

Тропарь: Постигóша мя рáны тяжкїя, и недúзи разлїчнии смущáют;/ сїх мя из-
бáви, óтче, молю́ся тебé,/ я́ко от Бóга прїем, Иоаннї́кие, благодáть, врачевá-
вати стра́сти// и болéзни вéрных облегчевáти.

Припев: Пресвятáя Богорóдице, спасї нас.

Богорóдичен: Явї́лася есї́ А́нгелов превы́шшая, Бóга неизречéнно воплотївши,/ Тогó
умоли́, Влады́чице Всенепорóчная,/ плотскїх вы́шша страстéй бы́ти мя
умóм,/ высотóю смирéния,// песнослóвьяща Твою́ величáйшую благодáть.

КАНО́Н СВЯЩЕННОМÚЧЕНИКОВ НИКА́НДРА И ЕРМÉЯ, ГЛАС 4:

Припев: Священномúченицы Никáндре и Ермéе, моли́те Бóга о нас.

Тропарь: Иерáрх чéстен был есї́,/ ника́коже чуждéю крóвию, своéю же, Ни-
кáндре, вшед в Гóрний храм и поя:// благословїте вся дела́ Госпóдня
Гóспода.

Припев: Священномúченицы Никáндре и Ермéе, моли́те Бóга о нас.

Тропарь: На седáлищи, восхвалїв Гóспода, пресвїтеров Ермéй слáвный,/ удоб-
рївсья крóвию мучéния, зовет:// благословїте вся дела́ Госпóдня Гóспода.

Благословім Отца, и Сына, и Святаго Духа, Господа.

Тропарь: Священно предсвершающе святая, / жертвы честныя явистеся / и в во-
ню принесостеся благовония Господу, вопиюще: // благословите вся дела
Господня Господа.

И ныне и присно и во веки веков, аминь.

Богородичен: Зол моих пучину изсуши, / благоутробию пучину рождающая, Избавителя
и Господа, / Ему же вопием, Дево: // вся дела благословите Господня
Господа.

КАТАВАСИЯ, ГЛАС 4:

Хор: Хвалим, благословим, поклоняемся Господеви, поюще и превозно-
саяще во вся веки.

**Отроки благочестивыя в пещи / Рождество Богородичо спасло есть; /
тогда убо образуемое, / ныне же действуемое, / вселенную всю воздвизает
петьи Тебе: / Господа пойте, дела, // и превозносите Его во вся веки.**

Диакон: Богородицу и Матерь Света в песнях возвеличим.

ПЕСНЬ ПРЕСВЯТОЙ БОГОРОДИЦЫ:

Хор: Величит душа Моя Господа, / и возрадовася дух Мой о Бозе Спасе Моём.
**Честнейшую Херувим / и Славнейшую без сравнения Серафим, / без
истления Бога Слова рождающую, / сущую Богородицу, Тя величаем.**

Яко призре на смирение рабы Своея, / се бо от ныне ублажат Мя вси роди.

Честнейшую...

**Яко сотвори Мне величие Сильный, / и свято Имя Его, и милость Его в
роды родов боящимся Его.**

Честнейшую...

Сотвори державу мышцею Своею, / расточи гордыя мыслию сердца их.

Честнейшую...

**Низложи сильныя со престол, и вознесе смиренныя; / алчущия исполни
благ, и богатящияся отпусти тщи.**

Честнейшую...

**Восприят Израиля отрока Своего, помянути милости, / якоже глагола
ко отцем нашим, Аврааму и семени его, даже до века.**

Честнейшую...

ПЕСНЬ 9:

КАНОН ВОСКРЕСНЫЙ, ГЛАС 4:

Хор:

Ирмос: **Камень неруко́сечный/ от несеко́мыя горы Тебе́, Де́во,/ краеуго́льный отсече́ся,/ Христо́с, совокупы́вый разстоя́щаяся естества́.// Тем веселя́щися Тя, Богоро́дице, велича́ем.**

Чтец:

Припев: **Сла́ва, Го́споди, свято́му Воскресе́нию Твоему́.**

Тропа́рь: **Всего́ мя восприя́л еси́ весь в совокупле́нии неслитно,/ всему́ ми дай, Бо́же мой, Спасе́ние стра́стию Твоею́,/ ю́же на Кресте́ претерпе́л еси́ телесе́,// благоутро́бия ра́ди мно́гаго.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **Твой учени́цы зря́ще отвёрзён гроб Твой,/ и богоно́сныя плащани́цы испра́жнены́ воскресе́нием Твои́м,// с а́нгелом глаго́лаху: вои́стинну воста́ Господь.**

Припев: **Пресвята́я Трои́це, Бо́же наш, сла́ва, Тебе́.**

Троичен: **Еди́нице у́бо Божество́ннаго Суще́ства, но Ипостáсьми Трои́це,/ вси ве́рнии покланя́ющися,/ в несли́янных Ипостáсах Равноси́льную Единочесто́ную// ны́не благочту́ще велича́ем.**

КАНОН БОГОРО́ДИЦЫ ВОСКРЕСНЫЙ, ГЛАС 4:

Припев: **Пресвята́я Богоро́дице, спаси́ нас.**

Тропа́рь: **Зрим я́ко крин Тя, ри́зою обагрёною укра́шену, Пречи́стая, Божество́ннаго Ду́ха,/ посреде́ терния сия́ющу, и благоуха́ния исполня́ющу,// и́же Тебе́ и́скренно велича́ющих.**

Припев: **Пресвята́я Богоро́дице, спаси́ нас.**

Тропа́рь: **Тле́нное при́йм челове́ческое естество́ из Твоего́, Всенепоро́чная, чре́ва Нетле́нный,/ в Себе́ показá нетле́нно, за благоутро́бие:// те́мже Тя, я́ко Богоро́дицу, велича́ем.**

КАНОН ПРЕПОДО́БНОГО ИОАННИ́КИЯ ВЕЛИ́КОГО, ГЛАС 4:

Припев: **Преподо́бне о́тче Иоанни́кие, моли́ Бо́га о нас.**

Тропа́рь: **Укре́пись Бо́гу, ум твой утверди́вшу удержа́ти стра́сти,/ А́нгел в телеси́ отсю́ду, о́тче, ты был еси́,/ и со А́нгелы на Небесе́х живёши всегда́,// сла́вы Престо́лу предстоя и Све́та невече́рняго исполня́емь.**

Припев: **Преподо́бне о́тче Иоанни́кие, моли́ Бо́га о нас.**

Тропарь: Якоже на Небеси, в горах и вертепах вселился еси, преподобне:/ тем укротишася тебе дивии зверие,/ покорившу страсти душевныя, неудобь покоримыя, Иоанникие, и праведну же бывшу.// Сего ради верно ты почитаем.

Припев: Преподобне отче Иоанникие, моли Бога о нас.

Тропарь: Твоя священныя и святыя мочи во гробе лежаще,/ недуги погружают и пополяют полки демонския всегда,/ мудре Иоанникие,/ Божию благодатию источают всем врачевания,// верно ты присно блажащим.

Припев: Пресвятая Богородице, спаси нас.

Богородичен: Просвети, Чистая, души моея очи, Свет рождающая, да не постигнет мя греховная тьма тяжчайшая,/ ниже глубина покрывает мя отчаяния,// но Ты мя спаси и окорми ко пристанищу Божественного хотения.

КАНОН СВЯЩЕННОМУЧЕНИКОВ НИКАНДРА И ЕРМЕЯ, ГЛАС 4:

Припев: Священномученицы Никандре и Ермее, молитесь Бога о нас.

Тропарь: На древе, мудре, терпеливно растягаемь и свещами опаляемь,/ росу Небесную приял еси рукою Ангельскою, мучениче Никандре,// палящая же мертвы показал еси живоносными твоими молитвами.

Припев: Священномученицы Никандре и Ермее, молитесь Бога о нас.

Тропарь: Видестесь видение страшно:/ обнажаемь, и безсловесным привязуемь,/ и на множайше, страстотерпцы, влекомь,/ и цели являемь, огню приближающеся, и неопаляемь,// Духом Божественным соблюдаемь.

Слава Отцу, и Сыну, и Святому Духу.

Тропарь: Днесь Мирская священная митрополия празднует велегласно,/ град всяк на веселие созывающе,/ в памяти вашей сей, всехвальнии,// в нейже священное ваше страдание совершите.

И ныне и присно и во веки веков, аминь.

Богородичен: Светом мя озари Твоим, Всенепорочная, рождающая Свет неприступный,/ разжени облаки души моея, и тьмы мя исхити, молюся,// и Божественного спасения сподоби, Пречистая, Единая Приснодево.

КАТАВАСИЯ, ГЛАС 4:

Хор: Всяк земнородный/ да възиграется, Духом просвещаемь,/ да торже-

ствѹет же Безплѣтных умѣв естество,/ почитающее священное торже-
ство Богоматере,/ и да вопиет:/ радуйся, Всеблаженная,// Бого-
родице, Чистая Приснодево.

ЕКТЕНИЯ МАЛАЯ...

Диакон: Свят Господь Бог наш.

ЕКСАПОСТИЛАРИЙ ВОСКРЕСНЫЙ ДЕСЯТЫЙ:

Тивериадское море с детьми Зеведеевыми,/ Нафанайла с Петром же и
со други́ма двема́ древле,/ и Фому́ имяше на лове,/ иже Христовым пове-
лѣнием одесную ввергше,/ множество извлекѡша рыб:/ Егѡже Петр поз-
нав, к Немѹ бродяше,/ и́мже трѣтие явлѣйся,// и хлеб показá, и рѣбу на
углех.

Слава Отцу́ и Сы́ну и Свято́му Дѹху.

СВЕТИЛЕН ПРЕПОДОБНОГО ИОАННИКИЯ ВЕЛИКОГО:

Благодáть преизбы́сть Бѡжия в душі́ твоѣй, мѹдре Иоанникие, безп-
лѣтно живѹща./ Тем чтѹщия тя страстѣй избáви тѣмных облако́в,// к
тѣхому пристáнищу вводя́ и огонья́ полки́ дѣмонския.

И ны́не и прѣсно и во вѣки векѡв. Ами́нь.

БОГОРОДИЧЕН ВОСКРЕСНОГО ЕКСАПОСТИЛАРИЯ:

Воскрѣсшаго Гѡспода триднѣвна от грѡба, Дѣво,/ моли́ о воспевающих
Тя, и любѡвию блажащих:/ Тебѣ бо и́мамы вси прибѣжище спасительное, и
ходáтаицу к Немѹ:/ насле́дие бо Твоѣ, и раби́ есмѣ, Богородице,// и к Тво-
емѹ заступлѣнию вси взира́ем.